

ხელშეკრულება #407

(სახელმწიფო შესყიდვების შესახებ)

თბილისი

“ 31 ” “ ივლისი ” 2015წ.

ერთის მხრივ, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის (შემდგომში “შემსყიდველი”) გენერალური დირექტორის მოადგილე ეკატერინე ქავთარაძე და მეორეს მხრივ, ა(ა)იპ თვითმმართველი თემის „მცხეთის მუნიციპალიტეტის საზოგადოებრივი ჯანდაცვის ცენტრის“ (შემდგომში “მიმწოდებელი”) დირექტორი ბადრი კუკულაძე ვაფორმებთ წინამდებარე ხელშეკრულებას შემდეგზე:

1. ხელშეკრულების საფუძველი

- 1.1 „საქართველოს 2015 წლის სახელმწიფო ბიუჯეტის შესახებ“ საქართველოს კანონი.
- 1.2 “2015 წლის სახელმწიფო პროგრამების დამტკიცების შესახებ” 2015 წლის 30 ივნისის საქართველოს მთავრობის #308 დადგენილება (შემდგომში – „დადგენილება“).
- 1.3 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტი.
- 1.4 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება.
- 1.5 „ეპიდზედამხედველობის“ სახელმწიფო პროგრამა.
- 1.6. ხელშეკრულების მონაწილე მხარეებზე ვრცელდება ამ მუხლის 1.2. პუნქტით გათვალისწინებული დადგენილების პირობები.

2. ხელშეკრულების საგანი

2.1 “ეპიდზედამხედველობის სახელმწიფო პროგრამის”, “რეგიონულ და მუნიციპალურ დონეზე არსებული სჯდ ცენტრებისთვის ეპიდზედამხედველობის, იმუნიზაციისა და სამედიცინო სტატისტიკის ღონისძიებათა ფარგლებში მომსახურების დაფინანსების კომპონენტის” ფარგლებში გათვალისწინებული მომსახურების შესყიდვა, (CPV 85140000).

3. ხელშეკრულების საერთო ღირებულება

- 3.1. ხელშეკრულების საერთო ღირებულებაა 8 444,25 (რვაათას ოთხასორმოცდაოთხი და 25) ლარი, მ.შ. ერთი თვის ღირებულება შეადგენს 1 688,85 (ერთიათას ექვსასოთხმეცდარვა და 85) ლარს.
- 3.3 შესაძლებელია მოხდეს სიტუაციური ცვლილებები, რომელიც წარმოიქმნება ხელშეკრულების მოქმედების პერიოდში და გაფორმდება შესაბამისი ცვლილების სახით იმ შემთხვევაში თუ ცვლილება დაკავშირებული არ არის ხელშეკრულების საერთო ღირებულების გაზრდასთან.

4. ხელშეკრულების ობიექტი

- 4.1. ხელშეკრულების ობიექტია ეპიდზედამხედველობის განხორციელება და სამედიცინო სტატისტიკური სისტემის მუშაობის უზრუნველყოფა რაც მოიცავს:
 - 4.1.1. სამოქმედო (მუნიციპალიტეტის) ტერიტორიაზე ეპიდზედამხედველობის განხორციელება და სამედიცინო დაწესებულებების მონიტორინგი გადამდებ და არაგადამდებ დაავადებებზე მონაცემთა ხარისხის უზრუნველსაყოფად;
 - 4.1.2 რეგიონში შემავალ მუნიციპალურ ერთეულებში დამხმარე ზედამხედველობის (მონიტორინგის) წარმოება, რეგიონულ დონეზე სამედიცინო სტატისტიკური ინფორმაციის შეგროვება და წარდგენა სსიპ “ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნულ ცენტრში, საჭიროების შემთხვევაში ეპიდზედამხედველობის განხორციელების უზრუნველყოფა;
 - 4.1.3. იმუნიზაციით მოცვის გაუმჯობესება საინფორმაციო სისტემისა და ლოჯისტიკის გამართული მუშაობის გზით;
 - 4.1.4 სამოქმედო (მუნიციპალიტეტის) ტერიტორიაზე იმუნოპროფილაქტიკის დაგეგმვა, იმუნოპროფილაქტიკისათვის და მიმდინარე წლის ჯანმრთელობის დაცვის სახელმწიფო პროგრამების განსახორციელებლად საჭირო მასალისა და

აღჭურვილობის აუცილებელი მარაგის ლოჯისტიკის განხორციელებაზე ზედამხედველობა „ცივი ჯაჭვის“ პრინციპების დაცვით, იმუნოპროფილაქტიკის (მ.შ. ცენტრის მიერ განხორციელებული ჯანმრთელობის დაცვის სხვა პროგრამების ფარგლებში ხარჯვის თაობაზე) ანგარიშგების წარმოება;

4.1.5. სამოქმედო (მუნიციპალიტეტის) ტერიტორიაზე სამედიცინო დაწესებულებების დამხმარე ზედამხედველობა (მონიტორინგი) იმუნოპროფილაქტიკის ღონისძიებების უზრუნველყოფაზე, „ცივი ჯაჭვის“ და საინფორმაციო სისტემის ფუნქციონირებაზე;

4.1.6. რეგიონში შემავალი მუნიციპალური სჯდ ცენტრების (განყოფილებების) დამხმარე ზედამხედველობა (მონიტორინგი) იმუნოპროფილაქტიკის შესრულებაზე, „ცივი ჯაჭვის“, საინფორმაციო სისტემის ფუნქციონირებაზე;

4.1.7. რეგიონულ დონეზე იმუნოპროფილაქტიკის დაგეგმვა, იმუნოპროფილაქტიკისათვის და მიმდინარე წლის ჯანმრთელობის დაცვის სახელმწიფო პროგრამების განსახორციელებლად საჭირო მასალისა და აღჭურვილობის აუცილებელი მარაგის მართვა (შესაბამისი ინფრასტრუქტურისა და საჭიროების გათვალისწინებით), მუნიციპალური სჯდ ცენტრებისათვის აღნიშნული მასალებისა და აღჭურვილობის ლოჯისტიკის უზრუნველყოფა „ცივი ჯაჭვის“ პრინციპების დაცვით, იმუნოპროფილაქტიკის (მ.შ. ცენტრის მიერ განხორციელებული ჯანმრთელობის დაცვის სხვა პროგრამების ფარგლებში ხარჯვის თაობაზე) ანგარიშგების წარმოება და წარდგენა სსიპ ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ცენტრში;

4.1.8. სამოქმედო (მუნიციპალიტეტის) ტერიტორიაზე ვაქცინების, შრატებისა და ასაცრელი მასალების გაცემა ვაქცინებისა და შრატების მიმწოდებლად რეგისტრირებულ (მ.შ. ავტომატურად დარეგისტრირებულ) სამედიცინო დაწესებულებებზე და სოფლის ექიმის პროგრამის მიმწოდებელ ფიზიკურ პირებზე, მას შემდეგ რაც განხორციელებენ აღნიშნული მიმწოდებლების მონიტორინგს „პროფილაქტიკური აცრების ეროვნული კალენდრის, აგრეთვე იმუნოპროფილაქტიკის მართვის წესებისა და საჭირო საადრეობ-საანგარიშგებო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2010 წლის 25 ივნისის N183/ნ ბრძანებით განსაზღვრულ პირობებთან შესაბამისობის დადგენის მიზნით;

4.1.9. სამოქმედო (მუნიციპალიტეტის) ტერიტორიაზე „დედათა და ბავშვთა ჯანმრთელობის“ პროგრამის ანტენატალური მეთვალყურეობის კომპონენტის მიმწოდებელი სამედიცინო დაწესებულებებისათვის ცენტრიდან მიღებული ტესტებისა და სახარჯი მასალების გადაცემა. ამასთან, მოთხოვნის შესაბამისად, „ბ: ჰეპატიტის იმუნოგლობულინის გადაცემა უნდა განხორციელდეს სამოქმედო არეალში სტაციონარული სამედიცინო დაწესებულებებისათვის, რომლებიც ახორციელებენ სამედიცინო მომსახურებას;

4.1.10. იმუნოპროფილაქტიკის პროგრამით გადაცემული ვაქცინებისა და ასაცრელი მასალების ხარჯვის თაობაზე სამედიცინო დაწესებულებებიდან მიღებული ინფორმაციის დადარება და მონიტორინგი ჯანდაცვის ერთიანი ელექტრონული სისტემის იმუნოპროფილაქტიკის ელექტრონულ მოდულში ბენეფიციარებისათვის ჩატარებული გეგმიური და არაგეგმიური აცრების თაობაზე აღრიცხულ მონაცემებთან;

4.1.11. რეგიონში შემავალ მუნიციპალური სჯდ სამსახურების მიერ იმუნოპროფილაქტიკისა და ექსპედიციის განხორციელების მონიტორინგი (დამხმარე ზედამხედველობა);

4.2. რეგიონში შემავალ მუნიციპალიტეტებში მიმდინარე წლის ჯანმრთელობის დაცვის სახელმწიფო პროგრამების ფარგლებში განხორციელებული ღონისძიებებისთვის ეპიდზედამხედველობითი მხარდაჭერის უზრუნველყოფა საჭიროების შემთხვევაში;

4.3. „ტუბერკულოზის მართვის“ სახელმწიფო პროგრამის ეპიდზედამხედველობისა და ტუბერკულოზის მართვის მონიტორინგის კომპონენტის ფარგლებში დადასტურებული მგბ+ შემთხვევების კონტაქტების კვლევა და თვითნებურად მკურნალობაშეწყვეტილ პაციენტებთან და სასჯელადსრულების სისტემიდან გათავისუფლებულ პაციენტებთან (რომლებიც იმყოფებოდნენ ტუბსაწინააღმდეგო მკურნალობაზე) მუშაობა. მიმწოდებლის მიერ აღნიშნული სამუშაო ხორციელდება შემსყიდველის ინდივიდუალური ორგანიზაციულ-სამართლებრივი აქტით დამტკიცებული (საქართველოს შრომის, ჯანმრთელობისა და სოციალური დაცვის სამინისტროს ჯანდაცვის დეპარტამენტთან შეთანხმებული) წესის შესაბამისად, რომელიც განთავსებულია ცენტრის ოფიციალურ ვებგვერდზე www.ncdc.ge.

5. შესყიდვის ობიექტის გაწვევის ადგილი და პირობები

5.1 ხელშეკრულებით განსაზღვრული „მომსახურების“ გაწვევის ადგილია ადმინისტრაციულ-ტერიტორიულ ერთეულში შემავალი მუნიციპალური ერთეულების სამოქმედო ტერიტორია;

5.2 „შემსყიდველი“ ითვალისწინებს, რომ „მიმწოდებლისათვის“ სრულადაა ცნობილი დასახული ამოცანები და მათ შესასრულებლად გამოსაყენებელი ნორმატიული დოკუმენტაცია.

6. შესყიდვის ობიექტის მიწოდების პირობები, ადგილი, ფორმა და ვადები

6.1 განხორციელებული „მომსახურების“ მიწოდების ადგილი - თბილისი, მ. ასათიანის ქ. 9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.

6.2 გაწეული მომსახურების ანგარიშგების ადგილი - თბილისი, მ. ასათიანის ქ. №9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.

6.3. „მომსახურების“ ანგარიშგება ხორციელდება დადგენილების მე-9 მუხლით და წინამდებარე ხელშეკრულების მე-7 მუხლით განსაზღვრული ვადებისა და პირობების შესაბამისად.

6.4. „მომსახურების“ გაწევის ვადაა 2015 წლის 1 აგვისტოდან 2015 წლის 31 დეკემბრის ჩათვლით.

7. ანგარიშსწორების ფორმა და ვადები

7.1 ანგარიშსწორების ფორმა - უნაღდო ანგარიშსწორება.

7.2 ანგარიშსწორება განხორციელდება ლარებში.

7.3 ანაზღაურება განხორციელდება ხელშეკრულების ფარგლებში განსაზღვრული ერთი თვის ღირებულების მიხედვით.

7.4 ანაზღაურება მოხდება შესყიდვის ობიექტის მიწოდებისა და ყოველთვიური მიღება-ჩაბარების აქტის ხელმოწერის შემდეგ „დადგენილებით“ განსაზღვრული წესის შესაბამისად.

7.5 „მიმწოდებელი“ ყოველთვიურად წარმოადგენს ანგარიშს არაუგვიანეს ყოველი მომდევნო თვის 10 რიცხვისა ნაბეჭდი და ელექტრონული (Sylfaen) სახით მის მიერ საანგარიშო პერიოდში გაწეული „მომსახურების“ (შესრულებული სამუშაოს) შესახებ თანდართული ფორმებით, მ.შ ყოველთვიური მონიტორინგის ფორმას, რომელიც შეთანხმებული იქნება საქართველოს შრომის, ჯანმრთელობისა და სოციალური დაცვის სამინისტროსთან და განთავსებულ იქნება www.ncdc.ge ვებ-გვერდზე;

7.6 „სამედიცინო სტატისტიკური ინფორმაციის წარმოების და მიწოდების შესახებ“ საქართველოს შრომის, ჯანმრთელობისა და სოციალური დაცვის მინისტრის 2012 წლის 23 მაისის N01-27/ნ ბრძანებით განსაზღვრულ ვადებში შესაბამისი ფორმებით.

7.7 „პროფილაქტიკური აგრების ეროვნული კალენდრის, აგრეთვე იმუნიზაციის მართვის წესებისა და საჭირო საადრიცხო-საანგარიშგებო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2010 წლის 25 ივნისის N183/ნ ბრძანებით განსაზღვრულ ვადებში შესაბამისი ფორმებით.

7.8 „მიმწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიმწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში გაცნობისათვის პირველივე მოთხოვნისთანავე წარუდგენს „შემსყიდველს“.

8. შესყიდვის ობიექტის მიღება-ჩაბარების წესი

8.1 ხელშეკრულებით გათვალისწინებული პირობების სრული შესრულების შემდგომ ან/და გარკვეული ეტაპის დამთავრების შემდგომ მხარეებს შორის ფორმდება მიღება-ჩაბარების აქტი.

8.2 შესყიდვის ობიექტის მიღებისა და საბოლოო შემოწმების ადგილია: ქ. თბილისი, მ. ასათიანის ქ. 9, სსიპ - ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.

8.3 არასწორად ან/და არასრულად წარმოდგენილი ანგარიშსწორების ფორმა უბრუნდება „მიმწოდებელს“ მის საბოლოო შესწორებამდე, ამასთან შედეგებზე იგი პერსონალურად აგებს პასუხს.

9. შესყიდვის ობიექტის ხარისხი

9.1 „მიმწოდებელი“ იძლევა „მომსახურების“ შესაბამისი ხარისხის სრულ გარანტიას.

9.2 უხარისხო „მომსახურების“ მთლიანად ან ნაწილის გამოსწორება ხდება „მიმწოდებლის“ მიერ რაიმე დამატებითი ხარჯების მოთხოვნის გარეშე.

10. მხარეთა უფლება-მოვალეობები

10.1 „შემსყიდველი“ ვალდებულია:

10.1.1 აუნაზღაუროს „მიმწოდებელს“ გაწეული „მომსახურების“ ღირებულება.

10.1.2 მიაწოდოს „მიმწოდებელს“ ინფორმაცია იმ დაწესებულებების თაობაზე, რომლებიც დარეგისტრირებულნი არიან (ან ავტომატურად ითვლებიან დარეგისტრირებულად) იმუნიზაციის პროგრამის ფარგლებში ვაქცინების, ასაცრელი მასალების, სპეც შრატების, ანტირაბიული სამკურნალო საშუალებების მიმღებად და დედათა და ბავშვთა ჯანმრთელობის პროგრამის ანტენატალური მეთვალყურეობის კომპონენტის მიმწოდებლებად სააგენტოდან მიღებული მონაცემების საფუძველზე, რომლებზეც უნდა მოხდეს ტესტებისა და სახარჯი მასალების გაცემა.

10.1.3 დაუყოვნებლივ აცნობოს „მიმწოდებელს“ მომხდარ ცვლილებათა შესახებ, რომელიც შედის „შემსყიდველის“ კომპეტენციაში და რომელიც შეიძლება ეხებოდეს ხელშეკრულების პირობებს.

10.2 „მიმწოდებელი“ ვალდებულია:

10.2.1 მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და ყველა სხვა მონაცემებით „შემსყიდველის“ დაკვეთას.

10.2.2 აცნობოს "შემსყიდველს" ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

10.2.3 დროულად შეასრულოს ხელშეკრულებით ნაკისრი ყველა ვალდებულებანი.

10.3 "შემსყიდველი" უფლებამოსილია:

10.3.1 გადასცეს "მიმწოდებელს" პროგრამის/კომპონენტის ფარგლებში აუცილებელი მედიკამენტები, ტესტ-სისტემები და სახარჯი მასალები.

10.3.2 მოითხოვოს "მიმწოდებლისაგან" ხელშეკრულების ყველა პუნქტის უცილობელი შესრულება;

10.3.3 უარი განაცხადოს ხელშეკრულების პირობების შესრულებაზე იმ შემთხვევაში, თუ "მიმწოდებელი" დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა;

10.3.4 მოითხოვოს "მიმწოდებლისაგან" სათანადო განმარტებანი, დოკუმენტაცია, რომლის არსებობის გარეშე შეუძლებელი იყო "მომსახურების" გაწევა;

10.3.5 მიმართოს სასამართლოს ან სხვა ორგანოებს იმ შემთხვევაში თუ "მიმწოდებლის" ქმედების გამო იგი დგება ფაქტთან, რომ შეიძლება დაირღვეს სახელმწიფო ინტერესები, მოითხოვოს ზარალის სრული ანაზღაურება;

10.3.6 არ სცნოს "მიმწოდებლის" არცერთი ვალდებულება, რომელიც არაა განსაზღვრული ამ ხელშეკრულებით.

10.3.7 არ აანაზღაუროს სამოქმედო ტერიტორიაზე მუნიციპალურ ერთეულებში არსებული საზოგადოებრივი ჯანმრთელობის სამსახურების მიერ გაწეული "მომსახურება", რომელთა ინსპექტირების დროს ისინი არაკორექტულად იქნა მიჩნეული;

10.3.8 არ აანაზღაუროს შესრულებული სამუშაო ხელშეკრულებით განსაზღვრული მომსახურების არასრულად შესრულების შემთხვევაში.

10.4 "მიმწოდებელი" უფლებამოსილია:

10.4.1 მოითხოვოს "შემსყიდველისაგან" მის მიერ მიწოდებული "მომსახურების" ღირებულების ანაზღაურება.

10.4.2 განაცხადოს უარი ხელშეკრულების შესრულებაზე ან გაგრძელებაზე იმ შემთხვევაში თუ "შემსყიდველის" მიერ სახელმწიფო პირობების შეუსრულებლობის გამო შეუძლებელი ხდება "მომსახურების" მიწოდება ან მის წინაშე დადგა დაუძლეველი ძალა.

10.4.3 აწარმოოს მოლაპარაკება "შემსყიდველთან" სახელმწიფო პირობებში კანონით დაშვებული ცვლილებების შეტანისათვის.

10.4.4 მიმართოს სასამართლოს ან სხვა ორგანოებს "შემსყიდველის" მიერ ხელშეკრულების პირობების დარღვევის გამო.

11. ხელშეკრულების პირობების შეუსრულებლობა

(პირგასამტებლო)

1.1 „საქართველოს 2015 წლის სახელმწიფო ბიუჯეტის შესახებ“ საქართველოს კანონი.

1.2 „2014 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2014 წლის 2 დეკემბრის #650 დადგენილება.

1.3 „იმ სახელმწიფო პროგრამების/მათი ღონისძიებების/მოცულობების განსაზღვრის შესახებ, რომელთა განხორციელებაც სახელმწიფოს მიერ 2014 წელს ნაკისრი ვალდებულებების შესასრულებლად უწყვეტად გაგრძელება საქართველოს შრომის, ჯანმრთელობისა და სოციალური დაცვის სამინისტროს სისტემაში განსახორციელებელი 2015 წლის შესაბამისი ჯანმრთელობის დაცვის სახელმწიფო პროგრამების დამტკიცებამდე ან/და „სახელმწიფო შესყიდვების შესახებ“ საქართველოს კანონის მოთხოვნათა შესრულებამდე, ან ვაუჩერის პირობების შესაბამისად, შესაბამისი მიმწოდებლის გამოვლენამდე“ 2014 წლის 26 დეკემბრის საქართველოს მთავრობის №723 დადგენილება (შემდგომში – „დადგენილება“).

1.4 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის "დ" ქვეპუნქტი.

1.5 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება.

1.6 „ეპიდზედამხედველობის“ სახელმწიფო პროგრამა.

1.7. ხელშეკრულების მონაწილე მხარეებზე ვრცელდება ამ მუხლის 1.2. და 1.3 პუნქტებით გათვალისწინებული დადგენილებების პირობები.

12. ხელშეკრულების შესრულების კონტროლი

12.1. „მიმწოდებლის“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:

12.1.1. უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვიური „მომსახურების“ პერიოდს (ან „მომსახურების“ დასრულებულ ციკლს).

12.1.2. არ აანაზღაუროს ხელშეკრულების შესრულების კონტროლის შედეგად არაკორექტულად მიჩნეული გაწეული „მომსახურების“ ხარჯები მოქმედი კანონმდებლობის ფარგლებში.

12.1.3. განახორციელოს წარმოდგენილი დოკუმენტაციის შედარება „მიმწოდებლის“ მიერ შეტყობინებისას დაფიქსირებულ მონაცემებთან და შემთხვევების შერჩევითი შემოწმების შედეგებთან (ასეთის არსებობის შემთხვევაში).

12.2. ხელშეკრულებით გათვალისწინებული საანგარიშგებო დოკუმენტების ინსპექტირების ვადა საანგარიშგებო დოკუმენტაციის წარდგენიდან არაუმეტეს 22 სამუშაო დღე.

13. ხელშეკრულების სხვა პირობები

13.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შეთანხმებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

13.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

13.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსით და კანონქვემდებარე აქტებით განსაზღვრული შემთხვევებისა.

13.4. ხელშეკრულების შეწყვეტა შესაძლებელია 2015 წლის სახელმწიფო პროგრამების დამტკიცების შესახებ საქართველოს მთავრობის დადგენილების შესაბამისად.

13.5. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

14. სადაო საკითხების გადაწყვეტა

14.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

14.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

15. გამოსაყენებელი სამართალი

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

16.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

17. ურთიერთობა მხარეებს შორის

17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. ხელშეკრულების მოქმედების ვადა

18.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

18.2. ხელშეკრულების მოქმედების ვადა განისაზღვრება 2015 წლის 1 აგვისტოდან 2016 წლის 29 თებერვლის ჩათვლით.

18.3. ურთიერთობა მხარეებს შორის წყდება ხელშეკრულების ვადის გასვლით და მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. დამატებითი პირობები

19.1 ხელშეკრულება დგება სამ თანაბარძალოვან ეგზემპლიარად, საიდანაც ერთი ეგზემპლიარი გადაეცემა „მიმწოდებელს“, ხოლო ორი ეგზემპლარი ინახება „შემსყიდველთან“.

19.2 ხელშეკრულების მონაწილე მხარეებზე ვრცელდება აგრეთვე დადგენილებით გათვალისწინებული პირობები.

20. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“

მისამართი: თბილისი, მ.ასათიანის ქ. #9

საიდენტიფიკაციო კოდი 211324351

საბანკო რეკვიზიტები:

ქ. თბილისი, სახელმწიფო ხაზინა

კოდი TRESGE22

ანგარიშის # GE24NB03301100200165022

გენერალური დირექტორის

მოადგილე:

ეკატერინე ქვეთარაძე



„მიმწოდებელი“

ა(ა)იპ თვითმმართველი თემის, მცხეთის მუნიციპალიტეტის“ საზოგადოებრივი ჯანდაცვის ცენტრი

მისამართი: ქ. მცხეთა, ღვინჯილიას ქ. 2

საიდენტიფიკაციო კოდი 436036193

საბანკო რეკვიზიტები:

სს "ლიბერთი ბანკის" მცხეთის ფილიალი
ბ/კ LBRTGE22

ა/ა GE64 LB01 1511 2423 2820 00

დირექტორი:



ზადრიკ კუკულაძე

ბ. ა.